



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monvmenta Paderbornensia

Ferdinand <II., Paderborn, Bischof>

Paderbornae, 1669

2. Media Svrgentis In Vrbe.

urn:nbn:de:hbz:466:1-11425

gensis dominij sit fundata, & inde originem ducat, ne ipsum castrum funditus collabi sinant, sed superiorem ejus aream bene conclusam, per janitorem custodiant, atque ipsam turrim instaurent, ac sartam tectam conservent.

9. IPSA VIDET SI QVOQVE SAXA MORI.
Hem nos homunculi indignamur, si quis nostrum interiit aut occisus est: quum, uno loco, tot oppidorum cadavera projecta jaecant. Sulpit. ad Cicer. epist. famil. lib. 4. epist. 5. In eundem sensum Rutilius in itinerario de Populonia eversa.

*Non indignemur mortalia corpora solvi,
Cernimus exemplis oppida posse mori.*

PADERAE FONTES.

1. **H**IC VBI FONS PADERÆ. *Pader* in carmine de Leonis III. ad Carolum adventu *Patra* vocatur.

*Est locus insignis, quo PATRA & Lippa fluentant,
Altus & in nudo campo jacet, undique largo
Vestitus spatio: celso de colle videri
Namque potest legio omnis, & hinc exercitus omnis,
Castrum Ducum, & Comitum, radiantiaque arma virorum.*

In vita S. Adalardi per S. Paschasium Ratbertum apud Bollandum 2. Januar. cap. 16. num. 66. *Pater* appellatur: ita enim describitur Corbejæ Saxonice situs. *Est autem locus pergentibus ad ortum solis de fonte PATRIS situs supra littus VVISIRÆ, &c.* Franciscus Irenicus lib. 12. Germaniae Exegeseos *Padam*, alij *Padum*, *Padram*, *Pather* nuncupant. *Pader* Gobelinus Persona, & communis loquendi usus retinet.

2. MEDIA SVRGENTIS IN VRBE. *Qui nobis tabulas Ptolemei egregie illustratas ediderunt, cum inter Germanie*



manie oppida Teuderium reperissent, non dubitarunt, inquit Horrion in panegyr. Paderb. lib. II. cap. XI. confirmare esse Paderbornam. At Teuderium quod Theudurum Antoninus vocat, non in Germania magna, sed in adversa Rheni ripa fuisse, ex ipsa itineris ratione, quā Antoninus persequitur, alijs satis liquidō demonstrarūt. Cluv. l. 2. Germ. ant. c. 18. Nihil igitur Teuderii ad Paderbornā, quam à fonte Paderē nomen accepisse ita certum est, uti Born aut Brunn, sive Borne & Brunne Teutonicē fontem significat. Quare pro cuiusq; scriptoris dialecto varijs modis nomen hujus civitatis enūciatur. Patresbruna & Patresbrunnas appellatur in Joannis Tiliij annalibus minoribus ; in auctioribus Patresbrunna & Patresbrunno : in fragmento annalium Alex. Petavij Padresbrunnon & Padresburnon : in annalibus Loiselij Paderbrunnen (uti & in alijs quibusdam) & Padabrunno : in vita Caroli M. per incertum Paderburnen & Paderburnum : in ejusdem vita per Monachum Egolismensem Paderbrunnam & Padabruno : in Poëta Saxone Pathalbrunnon & Paderbrunnon : apud Eginardum Padabruna : in vita Ludovici Pij Patrisbruna : in historia constructionis novae Corbejæ Patherbruna : in Annal. Fulden. Padrabrunno & Padrabprunno : in hist. translationis S. Viti Patherbronna. vid. Bollandi notas in vitam S. Liborij. cap. I. II. quæ horum fontium sic meminit. Accedit ad ornamentum loci (Paderbornæ) saluberri- morum fontium intra ipsum oppidum in unum pariter alveum confluentium incomparabilis tam species quam numerositas, in tan- tum, ut eorum latitudini & amoenitati similes esse alibi minimè compertum habeamus.

3. DVCO VETVS MAGNI NOMEN AB
AMNE PADI. Vocis originem fontesque præ cete-
M. 3 ris